

上謚曰章敬加徽號曰淑慎明惠治玄宮于廣州治西獻陵之右阜乾  
坐巽向之原葬以閏四月辛酉歸曰禧陵衍後慶也后聰惠慈柔實出  
天賦與仁孝俱生以禮順偕長始於家純如也終於國穆如也惟德之  
行有摯至自天之命復周之業多姜后脫珥之助既厚之德又篤其敬  
于以贊聖上中興之治之祚殆非人也而尚斬其施報殷于世二十五  
春秋而止焉獨何理耶不知其天也非天也吁何天之酷也忍也嗚  
呼痛哉安老製直提學金○辛巳憲府啓前事命遍李壽餘不允○夜艮方  
巽方有赤氣○壬午憲府啓前事不允○癸未憲府啓前事不允○夜  
東方有氣如火○甲申擢知承文院副正字黃孝獻奇遵俱為弘文館  
正字吏曹判書朴說啓曰尹自任已爲館博士而黃孝獻奇遵皆是自  
任妹夫則弘文館南行只四負而一家有其三焉雖無相避之例當垂  
春秋館記事官之職則恐於事體未安請改上即改奇遵而以鄭膺  
為正字○國葬都監官員執義許遲將誌文謚冊文來啓曰今觀謚冊  
內首言王若曰以下皆是王言而有自稱代郎龍興者似未安又誌文  
內既曰上悲不自勝則可以盡哀慟之意而又曰神迷心亂罔知攸  
措此非重喪而至於此極恐有後議又曰上哀慟特至御白衣素牕